

ԴԵՐԱՍԱՆ ՅՈՎՅԱՆՆԷՍ ԶԱՐԻՓԵԱՆ *)

(1879 թ. ՄԱՐՏ 23 — 1937 թ. ՅՈՒԼԻՍ 9)

Ես ծնւել եմ պատմական Շիրակի մայրաքաղաք Գիւմրիում, 1879 թ. Մարտ 23-ին:

Զորս տարեկան հասակիցս արդէն որբ էի: Հայրս ու մայրս մեռան միեւնոյն տարին:

Հայրս յայտնի որմնադիր էր: Ժամանակին անւանի եկեղեցի շինող վարպետ: Ի միջի ալլոց, նորոգել է Սանահնի, Ղփչաղի եւ շատ ուրիշ վանքեր ու եկեղեցիներ: Թաղւած է Ղփչաղում:

Ծնողներին մահւանից յետոյ իմ խնամակալութիւնը անցաւ աւագ եղբօրս, որ ինձանից 24 տարով մեծ էր եւ շարունակում էր հօրս արհեստը:

Աղբերի ու մեծացայ աշխատէի, ինչպէս աշխատում էին մեծանում էին Ալեքսանդրապոլի արհեստաւոր դասի բոլոր երեխաները — անհող ու զւարթ կեանք փողոցներում, անվերջ խաղեր ու վաղվղուք: Ես հնարամիտ ու ճարպիկ տղայ էի եւ խաղերի մէջ առաջնորդում էի ընկերներին:

Նախնական կրթութիւնս ստացայ Ս. Փրկչի ծխական չորսդասեան դպրոցում: 1892 թ. դնացի էջմիածին եւ ընդունւեցի Գէորգեան ձեմարանը, ուր սովորեցի մինչեւ 1894 թւականը: Հիւանդացայ եւ չը կարողանալով ուսումս շարունակել՝ դուրս եկայ երկրորդ դասարանից: Վերադարձայ տուն եւ երեք տարի աշխատեցի երկրորդ եղբօրս խանութում:

Մենք հինգ եղբայր էինք եւ մէկ քոյր. բոլորն էլ զարմանալի

*) Այս կենսագրութիւնը գրի է առնւած 1936 թ. Սեպտեմբեր 26-ին, «Սանքոս» ռաւի վրա, Բրազիլիայի եգիբնիներին: Զարիֆեանը բելադրել է եւ ես գրել եմ: Ապա, Սան Պաւլօ քաղաքում, կազմել եմ վերջնական ձեւը, որ կարդացել եւ վաւերացրել է ինքը Զարիֆեանը: Որով կարելի է ասել, թէ ինչ որ այստեղ աււած է՝ ամբողջը իրեն Զարիֆեանինն է:

էրկարակեաց: Մեծ եղբայրս 73 տարեկան հասակում ամուսնացաւ: Ես էլ որոշել եմ հարիւր տարի ապրել...

Մանուկ հասակից ես առանձին սէր ունէի դէպի թատերական խաղերը: Խանութում աշխատած ժամանակս յաճախ գնում էի թատրոն: Այն ժամանակները Ալեքսանդրովնովնում ներկայացումները յաճախ էին լինում: Կային տեղական սիրողներ, բայց դալիս էին եւ Թիֆլիսից՝ Արէշեանը, Ստեփանեանը եւ ուրիշներ:

Տեղական դերասաններից յիշեմ Չարչոյլեանին, որ մի արտակարգ հսկայ տղամարդ էր. բեմ մտնելու ժամանակ կռանում էր, որ գլուխը դրան չկպչի:

Ես այնքան յախշտակեցի թատրոնով, որ որոշեցի նւիրել դերասանութեան: Եւ մի օր, 1897-ին, թողի ծննդավայրս ու փախայ՝ զնացի Թիֆլիս: Այնտեղ մի ընկեր ունէի, տեղաւորեցի մօտը: Ապրում էի նրա հետ եւ ամէն կերպ աշխատում էի մօտենալ թատրոնական շրջաններին:

Բախտը ինձ ժպտաց: Մի օր ծանօթացայ դերասան Գէորգ Պարոն՝ Սարգսեանի հետ, որ նշանաւոր հարբեցող էր եւ ներկայացումներ էր տալիս Թիֆլիսում: Գտայ նրա թոյլ տամարը — խոցրի եւ ընդունեցի խմբի մէջ: Եւ առաջին անգամ, 1897 թ. նոյեմբ. 5-ին, երեւացի բեմի վրա: Որով, ուրեմն, այս տարի լրանում է իմ բեմական գործունէութեան քառասնամեակը:

Յիշում եմ շատ լաւ. ներկայացում էր «Չարագուշակ քայլը» թատերախաղը, Վրաց աղնւականների (նախկին Արծրունու) թատրոնում: Ես խաղում էի դերմանացի ծառայի դերը եւ պէտք է խօսէի դերմաներէն: Երբ Պարոն՝ Սարգսեանը առաջարկեց ինձ այդ դերը, ես չարեցի ու տատանւում էի ընդունել. չէի ըմբռնում, թէ ինչպէ՞ս կարող եմ, առանց դերմաներէն գիտենալու, խաղալ դերմաներէն: «Ոչի՛նչ, կը սովորես, հանգստացրեց Պարոն՝ Սարգսեանը, անգիր արա՝ պրծաւ զնաց» ... :

Այդպէս էլ արի: Միւս դերակատարներն էին Գէորգ Տէր՝ Դաւթեանը, Արշակ Մամիկոնեանը, Գէորգ Պապուրեանը, Պարոն՝ Սարգսեանը, Օր. Խիթարեանը եւ Տիկ. Չարէլը: Յուշարար էր Չարչարեանը:

Խաղը անցաւ շատ յաջող, բայց նոյն դիշեր, ներկայացումից յետոյ, Պարոն՝ Սարգսեանը խելագարեց եւ այլեւս երբեք բեմ չեկաւ: Երեք օր, դիշեր ու ցորեկ, ես խնամեցի իմ դժբախտ ուսուցչին, որին եմ պարտական իմ առաջին քայլերս եւ որի յիշատակը միշտ սրբութեամբ պահում եմ սրտումս. նա՛ ինձ մարդ դարձրեց:

Այսպիսով սկսեց իմ բեմական կեանքը: Պէտք է ասել, որ առաջին ներկայացումը աւելի եւս հրահրեց թատրոնական կրակը իմ մէջ: Ես զգացի, թէ իմ կոչումը բեմն է, որին նւիրեցի պատանի սիրահարի թափով: Ըստ երեւոյթին, մէջս որոշ կրակ կար, որովհետեւ առաջին անգամ բեմ դուրս գալս գրաւել էր շատերի ուշադրութիւնը: Գէթ ինձ այդպէս էին ցոյց տալիս...

Երկրորդ ներկայացումն էլ տեղի ունեցաւ նոյն թատրոնում եւ դերակատարների միեւնոյն կազմով: Խաղացինք «Օրւայ Զարիք» թատերգութիւնը: Ի միջի այլոց, այս ներկայացման, իբրեւ սիրող դերասան մասնակցում էր եւ ներկայ Կաթողիկոս Խորէն Առաջինը (Ալեքսանդր Մուրադէկեան), որ այն ժամանակ ուսուցիչ էր Ներսիսեան դպրոցում: Լոթի տղայ էր, ուսող — խմող, քէֆ անող եւ աղջիկների յետեւից վազող: Նա բաւական յաջողութեամբ խաղում էր սիրահարի դեր, իսկ ես ինչ որ յայտնի բժիշկ — պրոֆէսորի դեր ունէի:

Այդ նոյն թատերական տարեւորջանում, ամենայն Գէորգ Տէր — Դաւթեանի բեմական գործունէութեան 25ամեայ յորելիանը: Այդ առթիւ ներկայացեց Գ. Սունդուկեանի «Օսկան Պետրովիչը էն կինը» դաւեալը, որի մէջ ես խաղում էի Միդդիսով մեռելի դերը: Սունդուկեանը, որ ներկայ էր, առանձնապէս ուշադրութիւն դարձրեց իմ խաղին եւ եկաւ բոլորի ներկայութեամբ սեղմեց ձեռքս, շնորհաւորեց եւ ի լուր ամենքի ասաց. «Շուտով մինձացիր, օ'րթիւս, վուր Պեպօս խաղաս»... Կարող էք երեւակայել, թէ ինչքան ուրախացրին ու թեւ տւին ինձ մեծ թատերագրի այս քաջալերական խօսքերը:

Նոյն թաւերական տարւայ վերջը Բաղւից Թիֆլիս վերադարձաւ դերասանական ճեմ խումբը, որի մէջ էին այն ժամանակւայ մեր բոլոր յայտնի դերասանները — Սիրանոյշ, Վարդիթեր, Վարդուհի, Տիկին Մելիքեան, Մարի — Հրանոյշ, Պետրոսեան, Արէլեան, Արաքսեան, Յարութիւնեան, Արիստեան, Դաւիթ Թուրեան եւ ուրիշներ: Նրանցից շատերը արդէն Բաղւից լսել էին իմ մասին, իբրեւ յուսատու սկսնակի, այդ պատճառով ինձ էլ բնորոշեցին խմբի մէջ: Եւ երեք տարի նրանց հետ խաղացի Բաղւում: Իմ այդ ժամանակւայ խաղացած դերերից յիշում եմ՝ թագաւորի դերը «Մեղէա»-յում, Մաքս՝ «Զաւակ»-ում, երեք պրոֆէսորներից մէկի դերը «Դարբնոցապետ»-ում, թագաւորի եւ Ուրախանի դերը «Համլետ»-ում: Կարճեմ, լաւ էի խաղում. գոնէ շատերը այդպէս էին ասում: Ես ամբողջ էութեամբս ապրում էի բեմով:

1900-ին Սիրանոյշն ու Պետրոսեանը իրար հետ կուսեցին ինչ որ մի բանի համար: Դրեւելու էր «կեանքի արժէք»-ը: Թատրոնի բոլոր տոմսակներն արդէն ծախւած էին: Բայց Պետրոսեանը կտրականապէս հրաժարեց ու հեռացաւ խմբից: Գլխաւոր դերը՝ Դանիէլ Դէմուրինը մնում էր բաց. ոչ ոք չէր համարձակուում ստանձնել: Ներկայացումից մի օր առաջ, Սիրանոյշը կանչեց ինձ եւ ստիպեց, որ ընդունեմ: Ես երկար հրաժարուում էի. ինչպէ՞ս կարող էի, Պետրոսեանից յետոյ, խաղալ այդ դերը, այն էլ մի օր ունենալով պատրաստուելու համար: Սիրանոյշը յորդորում էր.

— Քեզի կըսեմ՝ կընաս: Պէ՛տք է ընդունես...

Ի՞նչ էր մնում անել: Հո չէի կարող մերժել Սիրանոյշին: Ընդունեցի:

Պէտք է ասել, որ ինչպէս այժմ, այն ժամանակ էլ ես արտակարգ յիշողութիւն ունէի դերեր սովորելու: Ամբողջ օր ու դիշեր սովորեցի Դանիէլ Դէմուրինի դերը, առաւօտեան մասնակցեցի փորձին, իսկ երեկոյեան խաղացի, փայլուն յաջողութեամբ: Քննադատներից մէկը գրել էր, թէ Զարիֆեանը շատ լաւ խաղաց եւ ամէն բան լաւ էր, բայց հակառակ իր ճերմակ մազերին՝ աւելի Սիրանոյշի որդուն էր նմանում, քան ամուսնուն...

Այս մի քիչ դաւեշտական դէպքը, կարելի է ասել, վճռեց իմ դերասանական ապագան թէ՛ թատերախումբի եւ թէ՛ հասարակութեան աչքին: Խումբը այցելեց մի շարք հայաբնակ քաղաքներ՝ Նոր - Նախիջևան, Շուշի, եւ ես Սիրանոյշի հետ կատարում էի գլխաւոր դերերը: Եւ այնուհետեւ դարձայ խմբի մնայուն անդամ՝ մասնակցելով ներկայացումներին, իբրեւ առաջնակարգ դերեր կատարող: Խումբը պահւում էր Թիֆլիսի Հայոց Դրամատիկական Ընկերութեան կողմից, իսկ ամառը ընկերական պայմաններով ներկայացումներ էր տալիս դաւառական քաղաքներում:

Ես սովորաբար խաղում էի դրամատիկ - հերոսների, աւելի ճիշտը՝ սիրահարների դերեր: 15 տարի Տիկ. Մայսուբեանի հետ խաղացել եմ սիրահարի դերեր, որոնցից մասնաւորապէս յիշեմ էրակլի՝ «Դաւաճանութեան» մէջ, Եոհան՝ Հառապամանի «Մենակ մարդիկ» խաղում, Օսկարո՝ «Ուրականներ»-ում, եւ այլն: Խաղացել եմ 300-ից աւելի թատերգութիւնների մէջ: *) Հարուստ խաղացանկ ունէի,

*) Դնում եմ այստեղ ցանկը այն դերերի, որ Զարիֆեանը խաղացել է իր բեմական կեանքի ընթացքում: Այդ ցանկը Զարիֆեանը իմիջ գրի առաւ յիշողու-



ԴԵՐԱՍԱՆ Յ. ԶԱՐԻՖԵՆՆ

(վերջին բամադայությունը, 1936 թ. Օգոստոսին, Բուենոս Այրեսի Հայ կեդրոնի սրահում)

բարդ հոգերանալան խաղեր: Հայոց բեմի վաղուհ շրջանն էր: Յաջողութեան անսահման պատահութիւններ:

1902ին ամուսնացայ: Կինս, Տիկ. Արաքս, դեռ օրիորդ ժամանակ, 1900-ից սկսած, խաղում էր ինձ հետ եւ այնուհետեւ էլ եղաւ իմ գործի ընկերը:

1907 թւին, Դրամատիկական Ընկերութեան ընդհանուր ժողովը որոշեց ուղարկել ինձ արտասահման կատարելագործելու համար, բայց որոշումը կարելի չեղաւ իրագործել, հակառակ իմ բուն ցանկութեան. խմբում իմ տեղը բռնող չկար: Ընկերութեան վարչութիւնը որոշման գործադրութիւնը յետաձգեց յաջորդ տարւայ: Բայց յաջորդ տարի էլ կրկնեց նոյն պատմութիւնը: Եւ այսպէս՝ երեք տարի:

Իհարկէ, իր կենսագրութիւնը պատմելիս, յայտնելով նաեւ, որ ցանկը շատ պակասաւոր է: Ահա՛ այդ ցանկը.

Դասական խաղեր՝ Համլէթ, Օթելլօ, Ուրիէլ, Քին, Արծիկ, Էրեմի, Ռոմէօ, Ռուի - Բլազ, Էդիոպ քագաւոր, Կարլոս՝ «Աւագակներ»-ից, Պետրոնիոս՝ «Յո՛ք քաս»-ից, Կարլոս քագաւոր՝ «Դոն - Սէգար»-ից, Ֆերդինանդ՝ «Խարդաւանմբ եւ Սէր»-ից, Կարլոս Ռիգոր՝ «Հայրենիք»-ից, Մարիօ՝ «Տոսկա»-յից, Հասօն, Ֆիլոկտէտ՝ «Մէդէա»-յից, Էդգար՝ «Արքա Լիր»-ից, Բուդդա՝ «Իզելի»-ից, Ռաւանանուքեան՝ բոլոր դերերը, Պետրուչիօ՝ «Անանձի սանձաւարում»-ից, Կոռատօ՝ «Ոնրագործի ընտանիք»-ից, Նապոլէոն՝ «Մադամ Սան Ժէն»-ից եւ այլն:

Ժամանակակից խաղեր՝ «Մենակ մարդիկ»՝ Եռեան, «Խորասուրճած զանգակը»՝ Հենրիխ, «Միքայէլ Կրոմէր»՝ Արնոլդ, «Ուրականներ»՝ Արնոլդ, «Հէդդա Դաբլեր»՝ Պրոֆ. Թոմաս, «Դոկտ. Շտոկման»՝ Շտոկման, «Կեանքի արժէքը»՝ Դանիէլ Դէմուրին, «Կեանքի նանկերում»՝ Նարոպ - Պէր Բաֆս, «Թոյլեր եւ ուժեղներ»՝ Դեռզի, «Գարնանային հեղեղ»՝ Սերգէյ, «Թայֆուն»՝ Դր. Տոկերամօ, «Տրիլի»՝ Սվեդզալի, «Կենդանի դիակ»՝ Ֆեդոթ, «Ժամ - Ռուլ»՝ Ժամ - Ռուլ, «Ամեն դեղաւորներ»՝ Նեզմամով, «Ապուշ»՝ Ռագոթին, «Պատիւ»՝ Ռոքերտ, «Հայրենական տուն»՝ Պաստոր, «Յիմարը»՝ Իստուս, «Անցորդ կին»՝ Ռէյմոնդ, «Վարքի քառանգ»՝ Ֆելիքս, «Ամբողջ ֆաղաք կը խօսի»՝ Զէստըր եւ այլն:

Հայ հեղինակներից՝ «Հին Աստածներ»՝ Արեղայ, վանահայր, «Կայսրը»՝ Օհան Դուրգէն, «Ընկած քերդի իշխանուհին»՝ Վասիլ, Պեպօ, «Զար Ոգի»՝ Գիծ Դանիէլ, «Պատի համար»՝ Էլիզաբետով, «Եւգենէ»՝ Միքայէլ, «Նամուս»՝ Ռոստոմ, Սէյրամ, «Արցունքի հովիտը»՝ Ասլան, «Ոսկէ Հէֆեաք»՝ Սրեգախարը, «Մարտի քրագներ»՝ Սիւրո, «Բաղդասար Աղբար»՝ Բաղդիկ, Արիստոյմ Աղա, «Մեծ վարդան»՝ Վարդան, «Խենքը»՝ Վարդան, Դաւիթ Բէկ, «Ջալալեդդին»՝ Սաիրատ, «Ժառ»՝ Ալեքսանդր, «Մելիքի Աղջիկը»՝ Սուլէյման, «Խամսայի Մելիքներ»՝ Աստղագէտը, «Վերք Հայաստանի»՝ Ազատի եւ այլն:

Ս. Վ.

Զորերորդ տարին ևս հրաժարւեցի Դրամատիկական Ընկերութեան խմբից, որպէսզի սեփական միջոցներով զնամ կատարելագործուի:

1907 թ. ամառը ևս ինքս կազմեցի ղերասանական մի խումբ, երիտասարդ ուժերից ևս դուրս եկայ դաւառական քաղաքները: Խմբի մէջ մտնում էին Ստեփանեանը, Բերոյեանը, Գարազաշը, Մ. Ալեքսանեանը, Մայսուրեանը, Օր. Ադամեանը, Տիկ. Արաքս Զարիֆեանը, Օլգա Գուլազեանը, Մ. Մանէլեանը և ուրիշներ: Ներկայացումներ տւինք Նրեւանում, Ալեքսանդրապոլում, Հիւսիսային Կովկասում: Ամէն տեղ էլ յաջողութիւն դտանք: Եւ, որ դարձանալի էր, նրկական տեսակէտից էլ արդիւնքը դոհացուցիչ եղաւ:

Խումբը կազմւած էր բոլորովին նոր սկզբունքով. առաջ վարձատրութիւնը ըստ արժանիքի էր. սովորաբար, նշանաւոր ղերասանները ստանում էին առիւծի բաժինը, իսկ երիտասարդներին բան չէր մնում. երբեմն նոյն իսկ ճանապարհածախսն էլ հնար չէր լինում ապահովել: Ես որոշեցի՝ ներկայացման հասոյթից նախ բոլորին հաւասարապէս տալ 25-ական բութլի, իսկ մնացածը բաժանել ըստ արժանիքի, որով ապահովւում էր իւրաքանչիւր ղերասանի նւարադոյն ապրուստը: Այս սկզբունքի գործադրութիւնը անցաւ շատ յաջող և աշխուհետեւ դարձաւ սովորական: Այդ պատճառով ընկերներս կատակով ասում էին, թէ «սոցիալիստական կազմակերպութիւն» եմ մտցրել...

1908-ին նոյն խմբով այցելեցի Ալեքսանդրապոլ, Նրեւան և այս տեղից՝ Թաւրիզ, ուր արտակարգ յաջողութիւն ունեցանք:

Բայց աւելի մեծ յաջողութիւն սպասում էր մեզ յաջորդ տարի, 1909-ին, երբ Տիկ. Մայսուրեանի հետ միասին կազմեցինք մի մեծ խումբ և անցանք Պոլիս: Ազատութեան օրեր էին, անօրինակ ողբերութիւն էր տիրում բոլոր շրջաններում: Մեր խմբի երեւալը աննկարագրելի խանդավառութիւն առաջ բերեց:

Ներկայացումների շարքը բաց արինք «Ժան Ռուլ»-ով, ապա խաղացինք «Ուրիշ Ակոստա»-ն, վերջը՝ Շիրվանդադէի «Զար Ոգի»-ն, «Անյայտ Կին»-ը, «Դաւաճանութիւն»-ը, ևւայլն: Ամբողջ ամառ ներկայացումներ տւինք Պոլսում, և թատերասրահ միշտ լիքն էր: Պոլսեցիք շտեմնւած ջերմ ընդունելութիւն ցոյց տւին մեզ:

Աշնանը խումբը վերադարձաւ Թիֆլիս, իսկ ևս կնոջս հետ մնացի Պոլսում: Արդէն հրաժարւած էի Դրամատիկական Ընկերութիւնից: 1910 թ. ամբողջ տարի, կնոջս և սիրողների հետ, ներկայացումներ տւի Պոլսում: Այդ ներկայացումներին մասնակցում էին ևւ Մնակեանը, նրա հարսը՝ Ադինը, Օր. Պէնէմէճեանը (այժմ Տիկ. Է-

լիզ Կոլան), Աշոտ Մատաթեանը, Ննովը Շահէնը, Զոսմանեանը, Շահէն Յովհաննիսեանը եւ ուրիշներ :

1911 թ. -ին վերադարձայ Թիֆլիս եւ 12 հոգինոց մի խումբ կազմելով անցայ Վան՝ նախ Թիֆլիսում, Ալեքսանդրապոլում ու Երևանում ներկայացումներ տալուց յետոյ :

Ճանապարհին, ընկանք Դրօի ձեռքը : Նա այն ժամանակ մեծ վաճառական էր Բայազէդում եւ յայտնի էր Սուրէն Էֆէնդի անունով : Դժուար չէ երեւակայել, թէ Սուրէն Էֆէնդին ինչ փառաւոր ընդունելութիւն տրաւ մեզ, ինչ քէֆեր սարքեց : Եւ ստիպեց մի ներկայացում կազմակերպել հասարակութեան համար : Յարմար չէնք չը կար : Դրօի պահեստում, չաքարի եւ նաւթի արկղերի վրա մի բեմ սարքեցինք եւ ներկայացում տւինք : Առաջին դերասանական խումբն էր, որ տեսնում էին բայազէդցիք : Աներեւակայելի բազմութիւն էր հաւաքւել՝ հայ թէ թիւրք, որ անսահման ոգևորութեամբ ու բուռն ծափահարութիւններով էր հետեւում ներկայացման : Մենք էլ խաղում էինք բարձր տրամադրութեան մէջ : Անկեղծօրէն պէտք է ասեմ, իմ դերասանական կեանքի ամենէն լուսաւոր օրերից է Բայազէդի ներկայացման օրը, որ գլուխ եկաւ միայն Դրօի դարմանալի նախաձեռնող ոգու շնորհիւ : Տնաչէնը մեզ ուղղակի վառեց իր խանդավառութեամբ : Եթէ մի օր գրւելու լինի հայոց թատրոնի ամբողջական պատմութիւնը, Դրօի անունն էլ պէտք է յիշել «ոսովիրաների» շարքում, իբրեւ Բայազէդի հայ թատրոնի հիմնադիրը...

Վանում էլ՝ նոյն ոգևորութիւնն ու եռուկեռը, մանաւանդ, երբ տասարդութեան մէջ : Հոյակապ ընդունելութիւն ցոյց տւին եւ անվերջ հիւրասիրութիւններով մեզ ձեռքից ձեռք էին խլում : Ներկայացումները տալիս էինք Երամեան դպրոցի սրահում, որը միշտ լեւի - լեցուն էր, ասեղ ձգելու տեղ չէր լինում : Խաղացինք «Միրա Էֆրոն»-ը, «Անյայտ կին»-ը, «Զար Ողի»-ն, «Ժան Ռուլ»-ը, «Թոյլերն ու ուժեղները», «Անմեղ մեղաւորներ»-ը, «Արցունքի հովիտ»-ը, «Բաղդասար Ագրար»-ը եւ կուսակալ ձէվտէթ բէյի խնդրանօք, թիւրքերի համար, «Ազամ, Եւա» թիւրքերէն : Ձէվտէթ բէյը ջերմ ընդունելութիւն ցոյց տւեց խմբին, մի փառաւոր խնջոյք սարքեց եւ 500 ոսկի էլ նւէր տւեց — ներկայացման բոլոր տոմսակների գինը : Այս 500 ոսկիով էր, որ հետագային գնացի Մոսկւա ուսանելու՝ Դրամատիկական Ընկերութեան թոշակի փոխարէն :

Վանում մնացինք երեք եւ կէս ամիս : Անմոռանալի են այդ օրերը : Վանեցոյ ցոյց տւած համակրանքն ու յարգանքը արտակարգ էր : Եւ երբեք չեմ մոռանայ այն մեծ խնջոյքը, որ արւեց մեր մեկնելուց

առաջ: Խանդավառ ճառերին վերջ չկար: Հարիւրաւոր ստորագրու-
թիւններով ծածկւած մի ուղերձ տրեւց մեզ: Եւ մի արծաթէ հոյա-
կապ սլակ, պատրաստւած վանեցի ոսկերիչների նուրբ արհեստով
եւ խմբի բոլոր անդամների անունները վրան արձանագրւած:

Ձմռանամ յիշել եւ Աղթամարի պարագան: Մեր նախափերջին
ներկայացման օրը Վան հասաւ Դրօն: Դէ', հասկանալի է, ո'ւր Դրօն,
այնտեղ եւ քէֆ ու դարձադալ: Նրա առաջարկով էր՝ որ մի մեծ խմ-
բով ելանք գնացինք Աղթամար: Դրօնից դատ, կային Իշխանը, Գար-
մէշը, Ռաֆայէլը եւ շատ ուրիշներ: Գնացինք Դանիէլ վարդապետին
հիւր: Եւ մէկ շաբաթ մնացինք Դանիէլ հայր - սուրբի հիւրասէր ու
ջերմ շնչի տակ, բնականաբար, քէֆերով եւ ուրախութիւններով:

Մի օր էլ, տաք քէֆից յետոյ, կատարներս լաւ կարմրած՝ թռանք
ձիերը եւ արշաւեցինք լեռների ուղղութեամբ: Ես աննկատելի կեր-
պով բաժանեցի խմբից եւ առաջ անցայ. յետեւիցս դալիս էր դե-
րասան Գարագաշը: Բաւական հեռացել էինք, երբ, յանկարծ, մեր
ճամբան կտրեցին 8 - 10 ձիաւոր քրդեր եւ հրացանները մեր կողմը
ուղղելով՝ պահանջեցին, որ կանգնենք: Ես սարսափեցի ու սմքեցի
թամբի վրա: Մտածում էի, թէ շան սատակ պիտի լինենք ու զոհ պի-
տի դառնանք վայրենի քրդերին: Գինովութիւնս մէկէն անցաւ:

Քրդերի առաջնորդը առաջ եկաւ եւ հայերէն հարցրեց, թէ՝ «Ո՞վ
է ձեզանից դերասանապետ Զարիֆեանը»: Անունս որ լսեցի, է՛լ ա-
ւելի վախեցայ ու մնացի լուռ: Քիւրդը նորից հարցրեց, այս անգամ
աւելի խրոխտ ու, կարծես, սպառնական ձայնով: Ես կմկմալով սլա-
տասխանեցի. «Ես եմ»: Քիւրդը է՛լ աւելի բարձր ձայնով ասաց. «Այդ
ի՞նչ բարոյական օրէնքով դու երեք ամիս է քաղաքը ներկայացում-
ներ կուտաս, իսկ գիւղերը անտես արած ես»...

Ես հասկացայ, որ թիւրիմացութեան մէջ եմ, որ այս «քիւրդե-
րը» քիւրդ չեն, այլ մեզ պէս հայ քրիստոնեայ մարդիկ, եւ սիրտ
առնելով՝ սկսեցի բացատրել, թէ մեղքը իմը չէ. ի՞նչ անեմ, որ
գիւղերում յարմարութիւններ չկան: Ճիշտ այդ վայրկեանին վրա
հասաւ Դանիէլ վարդապետը եւ բացադանչեց՝ «Տղա', Գալուստ,
այդ ի՞նչ բաներ կ'ընես»: Պարզեց, որ խօսող «քիւրդը» խմբապետ
Գալուստն է, որ գիւղերից մի - մի ներկայացուցիչ առած եկել էր,
որպէսզի մեզ պարտադրէ գիւղացիների համար էլ ներկայացումներ
կազմակերպել:

Դանիէլ վարդապետի առաջարկով ո՞րչեցինք գիւղացիների հա-
մար էլ ներկայացում տալ: Դանիէլ վարդապետը խոստացաւ յարմա-
րութիւններ ստեղծել եւ կարգադրեց Գալուստին, որ գիւղացիներին

հաւաքէ : Գալուստը իր «քրդերով» զնաց Դանիէլ վարդապետի հրամանը կատարելու, իսկ մենք վերադարձանք Աղթամար, ուր Դանիէլ վարդապետը խակոյն անցաւ գործի եւ կապերտներէից ու տախտակներէից մի բեմ շինել տւեց դպրոցում :

Մինչ այստեղ բեմն էր պատրաստուում, միւս կողմից սկսեց հաւաքել «ունկնդիր հասարակութիւնը» . ոտքով ու սայլով, զուռնայով եւ երգ ու պարով ամէն կողմից գալիս էին գիւղացիք իրենց ընտանիքներով՝ հետները բերելով ոչխար, հաւ եւ ամէն տեսակ ուտելիքներ ու խմիչքներ : Ինձ համար էլ նւէրներ էին բերել՝ ոչխար, կարագ – պանիր, եւայլն :

Շուտով ամէն տեղ բռնեցին սայլերը : Սկսեց կերուխումը, երզն ու պարը, ճիշտ ուխտի օրերի նման : Երեք օր շարունակ, ցերեկ ու երեկոյ ներկայացումներ էինք տալիս, եւ գիւղացիք հերթով ունկնդրում էին, իսկ դուրսը մնացողները քէֆ էին անում : Ներկայացրինք Ահարոնեանի «Արցունքի հովիտը» եւ Արեւեանի «Մարեոյ ճըրագները» : Աննկարագրելի խանդավառութիւն, տօնական ցնծութիւն էր տիրում : Այդ օրերը անմոռանալի են ինձ համար . իմ ամբողջ բեմական կեանքում ես այդպիսի անկեղծ ուրախութիւն չեմ տեսել :

Վանից վերադարձանք, եւ 1911 թ. աշնանը ես զնացի Մոսկւա, ամբողջ մի տարի պարապեցի Գեղարեւոտական Թատրոնի Ստուդիայում՝ Նեմիրովիչ – Դանչենկոյի եւ Ստանիսլաւսկու ղեկավարութեան տակ : Այդ տարի «Համլէտ» էր բեմադրւում եւ դրսից ոչ մի դերասան չէր ընդունւում : Նեմիրովիչ – Դանչենկօն մի ամբողջ ժամ խօսեց հետս, հարցաքննեց եւ իմացաւ ամբողջ կեանքս եւ, իրեւ բացառութիւն, ընդունեց ինձ : Պէտք է ասել, որ ես շատ օգտուեցի Գեղարեւոտական Թատրոնից, որոշ ուղղութիւն ստացայ, դարձացրի իմ դերասանի միտքը, համակեցի այդ հռչակաւոր Թատրոնի դադափարներով ու խաղի ձեւերով, որոնք այնքա՛ն մօտ էին իմ ըմբռնումներին եւ հարազատ՝ հոգուս :

Այդ նոյն տարին Մոսկւա եկաւ Տիկին Սիրանոյշը՝ հետը բերելով Արէլեանին, Ֆարութիւնեանին, Ալիխանեանին, Շահխաթունուն, Բերդեանին, Տիկ. Մայսուրեանին, Օր. Աղամեանին եւ ուրիշներին : Եկել էր ուսւ հասարակութեան եւ Մոսկւայի հայ հասարակութեան ցոյց տալու հայ Թատրոնը : Նա խաղաց «Դաւաճանութիւնը», «Հայրենական Տունը», «Նամուսը» : Այդ ներկայացումներին ներկայ էին եւ ուսւ ամենաչալտնի դերասաններն ու քննադատները, որոնք մեծ գովեստով խօսեցին հայ խմբի խաղի մասին . չէին սպասում, որ հայ դերասանները կարող էին այդքան կատարելագործւած խաղ տալ :

Մանաւանդ, մեծ յաջողութիւն գտաւ «Դաւաճանութիւն»ը, որին ոռոս հասարակութիւնը լաւ ծանօթ էր եւ կարող էր համեմատել ոռոսական լաւագոյն խաղերի հետ: Հեղինակը՝ Սումբատովը հիացած էր Սիրանոյշից, որը, նրա ասելով, «լաւագոյն Զէյնարն էր իր բոլոր տեսածներէ մէջ»: Նա մի գեղեցիկ դասինէ պսակ նւիրեց Սիրանոյշին: Բնորոշ է, որ Արէլեանը ո'չ մի յաջողութիւն չունեցաւ: Մոսկւայից խումբը զնաց Պետերբուրգ եւ աշխտեղ էլ ներկայացումներ տւեց: Սիրանոյշի պահանջով եւ թատրոնի առանձին արտօնութեամբ ես էլ մասնակցեցի Սիրանոյշի ներկայացումներին:

1912-ի դարնանը ես վերադարձայ Կովկաս: Արդէն առաջուց հրաւիրւած էի Բագու դերասանուհի Հրաչեայի կողմից: Այստեղ ներկայացում տալուց յետոյ, անցայ Թիֆլիս, ուր նոյնպէս մի քանի ներկայացումներ տւի: Իսկ 1912 - 13 թ. ձմեռայ համար հրաւէր ստացայ խաղալու Բագուի Կուլտուրական Ընկերութեան խմբում, շատ նպաստաւոր պայմաններով: Այստեղ, եօթը տարւայ ուսումնասիրութիւնից յետոյ, առաջին անգամ խաղացի Համլէտը: Այդտեղ արդէն երեւաց Գեղարեւոտական թատրոնի աղղեցութեան արդիւնքը: Այդ բեմադրութիւնը, խաղի բոլոր մանրամասնութիւններով, արտակարգ երեւոյթ էր. այն ժամանակւայ բոլոր թերթերը նշեցին, թէ Համլէտի բեմադրութիւնը նոր եւ գեղեցիկ երեւոյթ է թատրոնի կեանքում:

Նոյն տարին առաջին անգամ բեմադրւեց եւ Շանթի «Հին Աստուածներ»-ը: Այս խաղն էլ արտակարգ յաջողութիւն ունեցաւ եւ նոյնպէս արտասովոր երեւոյթ էր մեր թատերական կեանքում: Մի օր առաջ էլ բեմադրւել էր Արէլեանի խմբի կողմից, Թիֆլիսում:

Բագու մնացի մինչեւ 1916 թ.: Ամառները խմբով ներկայացումներ էինք տալիս գաւառական քաղաքներում: 1914-ի ամառը, Սեւումեանի հետ միասին, մի մեծ խումբ կազմեցինք եւ զնացինք Պոլիս: Այս երկրորդ այցելութիւնն էլ անցաւ մեծ յաջողութեամբ: Ամէն օր ներկայացումներ էինք տալիս: Խաղացինք «Հին Աստուածներ»-ը, «Օթէլլօն», «Համլէտ»ը, «Թադաւոր»ը, «Ուրիշ Ակոստա»ն, «Ժան Ռուլ»ը եւ այլն: Պատերազմից առաջ վերադարձանք Կովկաս:

Այն ժամանակ, երբ մեր խումբը, Կուլտուրական Ընկերութեան հրաւէրով, խաղում էր Բագուում, Թիֆլիսում էլ գործում էր Հայ Դրամատիկական Ընկերութեան խումբը — Արէլեան, Արմէնեան, Սեւումեան, Մայսուրեան, Ալիխանեան, Վարդուհի եւ ուրիշներ: Երկու խմբերն էլ հասարակական թանգազին աշխատանք էին կատարում եւ Կովկասի երկու մեծ քաղաքների հայ կեանքում բարձր ոգե-

ւորութիւն ստեղծում: Մեր թատրոնի լաւագոյն տարիներէջ էին դրանք, երբ թէ՛ նիւթական եւ թէ՛ բարոյական պայմանները բարեյաջող էին եւ հասարակութիւնը արտակարգ հետաքրքրութիւն ու սէր էր ցոյց տալիս դէպի մայրենի բեմը:

Ամէն դարնաւ այս խմբերը միմեանց փոխարինում էին. մեր խումբը գնում էր Թիֆլիս, իսկ այնտեղիցը գալիս էր Բագու: Բացի այդ, անհատ դերասանները գնում էին առանձին ներկայացումների, եւ յաճախ գնում էի Թիֆլիս, Արէլեանը գալիս էր Բագու: Այսպէս, առաջ էինք մղում հայ թատերական դործը, որ արդէն հասել էր բարձր կատարելութեան:

Թիֆլիսի եւ Բագուի խանդավառութիւնը, ինչպէս ասացի, ամէն ամառ փոխադրւում էր եւ գաւառները: 1916-ին եւ մի մեծ խմբով անցայ Ալեքսանդրապոլ, ապա՝ Երեւան եւ այլեւս մինչեւ 1920-ի աշունը Հայաստանից չհեռացայ: Թէ՛ պատերազմի, թէ՛ յեղափոխութեան եւ թէ՛ անկախութեան շրջանում, այդ ընդհանուր թոհուրոհի եւ ողբերգութեան մէջ, մեր խումբը հերթով ներկայացումներ տւեց Երեւան, Ալեքսանդրապոլ, Կարս եւ այլ վայրերում: Բանալը գէնքով պաշտպանում էր մեր հայրենիքը, քաղաքական դործիչները պետական շէնքն էին կառուցանում, մենք՝ դերասաններս էլ հայ մշակոյթի տաճարն էինք ծաղկեցնում մեր նորադատ հայրենիքում: Ինչպիսի՜ անսահման ոգեւորութիւն եւ անձնագոհութիւն ամենքի կողմից, ի՞նչ անմոռաց օրեր: Եւ երջանիկ եմ, որ մասնակցել եմ անկախ Հայաստանի ստեղծումին, երջանիկ եմ անսահման, որ եւ էլ մի քար եմ դրել մեր սիրելի հայրենիքի պետական շէնքի հիմքում: Այդ հիմքը, հաւատա՜ ինձ, ամուր է, որքան էլ շատերին այսօր խախտւոյ երեւայ: Այս օրերը կանցնին: Յիշո՞ւմ ես սպաներէն երգը՝ Passara! Կանցնի՜ ...

Յիշում եմ 1917 թւի ձմեռը: Խաղում էինք Կարսում: Մի օր էլ եկաւ հանդստանալու Սեպուհի կամաւորական դուռդը: Սեպուհը կը պաւ օձիքիցս, թէ տղաների համար ներկայացում պիտի տաս: «Ինչո՞ւ չէ, տանք», ասացի եւ խոստացայ խաղալ «Խենթ»-ը: Կամաւորները համար յարմար նիւթ էր: Բեմի համար զինւորներ էին պէտք: Խնդրեցի, եւ Սեպուհը ուղարկեց մի հարիւրեակ:

Ներկայացման օրը սրահը լեփ - լեցուն էր: Շնչել կարելի չէր: Ուր կարելի էր ոտք դնել, խոնաժ էին կամաւորները: Բեմի վրայ կազմ ու պատրաստ կեցած էր Սեպուհի ուղարկած հարիւրեակը հարիւրապետի ղլխաւորութեամբ: Եւ խաղում էի Վարդանի դերը եւ գտնւում էի զինւորների մէջ: Հարիւրապետին սովորեցրի, թէ ինչ

պէտք է անել, ըստ խաղի ընթացքի: Տեսարանը ներկայացնում էր Բայազէդ բերդը: Վիճակը յուսահատական էր: Ռուս զնդապետը — դերասան Գարազաշ — գալիս բացատրում է ղինւորներին, թէ հաց ու ջուրը վերջացել է, բերդի վիճակը տագնապալից է: Ո՞վ կը հասցնէ այս նամակը Զօր. Տէր — Ղուկասեանին: Այս հարցը երեք անգամ պիտի տրւէր եւ երրորդ անգամը ես ղինւորներին միջոց պիտի կանչէի՝ «Ես», ու կամաւորներն էլ «կեցցէ՛» պիտի գոռային: Բայց իմ բացատրութիւնից հարիւրապետը այնքան յուզեց ու ոգեւորւեց, որ Գարազաշի առաջին իսկ հարցի վրա՝ առաջ անցաւ եւ գողալով պատասխանեց. «Ե՛ս կը տանեմ»... Բեմի վրայի եւ սրահի կամաւորները «կեցցէ՛»-ներով ու ծափահարութիւններով թնդացրին սրահը: «Դէ՛, շան որդի, ասացի ես, որ դո՛ւ կը տանես, յաջորդ մասն էլ դու խաղա՛»... Բայց մեր ճարպիկ Գարազաշը իսկոյն փրկեց ղրութիւնը. «Ո՛չ, զաւա՛կս, պատասխանեց նա հարիւրապետին, դու այստե՛ղ հարկաւոր ես. ուրիշ մէկը չկա՞յ, որ նամակը տանէ»: Ես իսկոյն առաջ անցայ եւ գոչեցի. «Ե՛ս»: Բայց այս անգամ ո՛չ բեմի վրայի ղինւորները ծափահարեցին, ոչ էլ «ունկնդիր հասարակութիւնը»... Խաղը, ի հաբէէ, անցաւ շատ յաջող: Ներկայացումից յետոյ էլ, զօրս դու պատւիրեցեր, մի լաւ քէֆ ունեցանք...

Անկախութեան շրջանում էլ, փոխ առ փոխ խաղում էինք թէ՛ Ալեքսանդրապոլում, թէ՛ Երեւանում: Երեւանում մեր տրամադրութեան տակ էին Զանփոլատեանի թատրոնը եւ Պարլամենտի սրահը: Խումբը բաղկացած էր առաջնակարգ ուժերից — Մայսուրեան, Աբէլեան, Աւետեան, Յարութիւնեան, Մանուէլեան, Բերոյեան, Գարազաշ, Օլգա Գուլազեան, Արաքս Զարիֆեան, Յասմիկ, Օր. Աբրահամեան, Օր. Սիւզան, Մ. Ալիխանեան եւ ուրիշներ: Մեծ ու փառաւոր խումբ էր: Վճարումները շատ լաւ էին: Ոգեւորութիւնը՝ անսահման թէ՛ դերասանների եւ թէ՛ հասարակութեան մէջ: Ամէն օր ներկայացումներ էինք տալիս, էլի միշտ սրահը լիքն էր լինում եւ թատրոնի դուռը բացւելուց դեռ շատ առաջ արդէն կիշէի վրա յայտարարութիւն էր փակցւում, թէ՛ «բոլոր տոմսակները ծախւած են»: Մարդիկ ժամերով հերթի էին կանգնում տոմսակ ձեռք բերելու համար: Ի՞նչ օրեր էին ...

Հա՛, յիշեմ եւ 1920 թ. անկախութեան տօնը Երեւանում, որի հանդէսների, այսպէս ասենք, թատերական մասը ինձ էր յանձնւած: Ակադ. Թամանեանը ծրագրեց ու կազմակերպեց քաղաքի արտաքին զարգարանքը, իսկ ես ծրագրեցի ու վարեցի հանդէսների մասը — չքերթները փողոցներում, հրապարակային հանդէսները, երեկոյթ-

ներն ու ներկայացումները: Հայաստանի մայրաքաղաքը վերածւեց մի հսկայական բեմի. գերակատարներն էին Պետութեան վարիչները, բանակը, արհեստակցական միութիւնները, աշակերտութիւնը, արիւնները, գիւղերից եկած բաղմութիւնները, մի խօսքով — ողջ հայոց ժողովուրդը: Ով ա՛յն օրերին երեւանում էր, կը յիշէ, թէ ի՞նչ վառուոր հանդէսներ տեղի ունեցան Հանրապետութեան տարեդարձի օրը: Եւ ես հպարտ եմ, որ այդ օրւայ հանդէսների կազմակերպիչները մէջ կայ եւ իմ անունը: Ես էլ, իբրեւ հայ մշակոյթի համեստ մշակ, անմասն չեղայ մեր Պետութեան ստեղծման գործին:

Ափսոս որ այդ հէքաթային օրերը երկար չտեւեցին: Եկաւ չար բազուկը եւ քանդեց ամէն ինչ: Ինչ որ չինւած էր՝ աւերակ դարձաւ: Եւ մենք նորից դադարեցինք՝ ընկանք երկրէ երկիր տարազրի սեւ ճակատազրին մատնւած: 1920 թ. աշնանը ես հեռացայ Թիֆլիս, այնտեղից՝ Պոլիս, ուր մնացի երեք ամիս: Ապա, ամէն տեղ ներկայացումներ տալով, անցայ Ռումանիա, վերջը՝ Հիւս. Ամերիկա, որ դարձաւ իմ երկրորդ հայրենիքը: Այստեղ տարիներ շարունակ, զանազան քաղաքներում ներկայացումներ տւի սիրողներին հետ: 1923-ին, Նիւ-Եորքում, մեծ փայլով տօնւեց իմ բեմական գործունէութեան 25ամեայ յորեւեանը, առաջնորդ Տիրայր Արքեպ.—ի պատւաւոր նախագահութեամբ: Նոյն հանդէսները տեղի ունեցան եւ ուրիշ քաղաքներում: Ուրախ եմ ասելու, որ իմ ներկայութիւնը Ամերիկայում անպտուղ չանցաւ. ստեղծւեց թատերական կեանք եւ առաջ եկան թատերական ուժեր:

1927 — 28 թվականներին ճանապարհորդութիւն կատարեցի Եւրոպայում, Եգիպտոսում եւ ուրիշ վայրերում՝ ամէն տեղ կազմակերպելով ներկայացումներ:

Զորս տարի էլ եղայ Հար. Ամերիկայում:

Հայաստան չգնացի, եւ այդ ինձ մեծ ցաւ է պատճառում: Զեմ ուղում, որ ոսկորներս օտար հողի մէջ թաղւեն: Անպատճառ պիտի տեսնեմ մեր սքանչելի Մասիսը ու այնպէս մեռնեմ: Բայց քանի այս սրիկաները այնտեղ են, չեմ երթայ:

Փորձեցին խաբել ու տանել: Նոյն իսկ ազգականներն ալ մէջ դրեցին: Դերասան ընկերներս հաւաքական նամակ էին գրել, որ գնամ: Խոստանում էին լաւ տեղ տալ Պետական թատրոնում — չգնացի: Արէշեանն էլ երբ մեկնեց, ասաց, որ եթէ լաւ լինի, կը գրէ, որ ես էլ երթամ: Գնաց ու ոչինչ չգրեց: Հասկացայ, որ դատարկ խօսքեր են. ազատ կեանքի եւ ստեղծագործութեան վարժւած մարդկանց տեղ չը կայ այնտեղ: Արդէն Արէշեանն էլ զժբախտ եղաւ: Գերադասում եմ

անօթի մնալ ազատութեան մէջ, քան թէ կուշտ ապրել, թէկուզ, ոսկէ վանդակում: Միայն երբեմն հոգիս նեղւում է, սիրտս կրծում է մի անհանգիստ որդ. տարիները անցնում են, ծերանում ենք, ժանգոտում ենք տարազերութեան մէջ, եւ մեր ուժերը, մեր տաղանդը ի վրեր կորչում է...

Ամերիկայում մի քանի լաւ պատեհութիւններ ներկայացան, որ նիւթապէս կարող էի յաջողել — հայ բեմի սէրը թոյլ չտւեց: Քալիֆորնիայում հրաւեր ստացայ մի մեծ հիմնարկութեան մէջ բեմական արեստ ուսուցանելու, լա'ւ վարձատրութեամբ ու զիրքով, չընդունեցի — որովհետեւ Նիւ - Եորքում հայերէն ներկայացումներ պիտի տայի: Մի ուրիշ անգամ էլ սինէմայի շատ շահաւէտ գործ պատահեց — էլի հայ բեմը արդեւք եղաւ: Եւ այսպէս գէրվիչ էլ մընացինք...

Ես նման եմ այն թռչունին, որ ապրում է երգի համար: Բեմական կեանքում էլ այսպէս եմ. սիրում եմ խորը հոգեբանական խաղերը, ուր կան նուրբ ապրումներ, հոգեւոր ելեւէջների քաղաքական արտայայտութիւններ: Իմ սրտին մօտ են Իբսէնը, Հաուստմանը, Ջուզեպեմանը: Դերեր ընտրելիս եւ ուսումնասիրելիս ես ուշադրութեամբ զննում, վերլուծում եմ մարդկային հոգին, փնտրում եմ նրա առանձնայատկութիւնները եւ աշխատում եմ ցոյց տալ հարադատօրէն: Ես սիրում եմ հասկանալ, սովորել, իւրացնել եւ արտայայտել չափաւոր ու ձեւաւոր, ամէն շնորհ, ամէն գիծ իր տեղը դրած: Իմ ամբողջ կեանքում ես սովորել եմ, որոնել ու ձգտել եմ հասնել կատարելութեան, — ու երբեք էլ չեմ հասել: Եւ արդէն իսկական արեստը այդ է. միշտ ձգտել եւ երբեք չհասնել...

